



Ikiaroorartup cannabis-ip inerteqqutaajunnaarsinneqarpat pitsaaqutai aammalu ajoqutai misissuiffigineqarnissaat siunertaralugu Naalakkersuisut nassuiaammik suliaqaqqullugit Inatsisartut aalajangiiffigisassaattut siunnersuut. Nassuiaat cannabis-ip qanoq inerteqqutaajunnaarsinneqarsinnaanera aammalu qanoq tuniniarsinnaaneranik imaqaassaaq kingusinnerpaamillu ukiakkut 2024-imi Inatsisartunut tunniunneqassaaq.

(Inatsisartunut ilaasortaq Kristian Jeremiassen, Inuit Ataqtigiit)

(Siullermeerneqarnera)

Qujanaq Inatsisartunut ilaasortamut Kristian Jeremiassen, Inuit Ataqtigiit uuminnga siunnersuuteqarneranut.

Qularutissaangilaq, cannabissip inuunermut ulorianartorsiortitsisinnaallunilu inunnik ilaqutariinnillu aseruisinnaanera. Taamaakkaluortoq cannabis ullumikkut inerteqqutaavoq, ukiorpasuaruunilu taamaassimavoq. Uffa cannabis inerteqqutaasoq. Politiinit ilanngaaserisunillu suliniutit annertugaluqisut. Paasisitsiniaanerit, paasisutissiinerit suliniutissatullu pilersaaruserit ingerlanneqaraluartut, atonerluinerit ingammik hashimik maani nunatsinni sulijornartorsiutaasorujussuupput.

Taamaattumik apeqqut soqutiginartoq unaavoq atonerluinerimik ajornartorsiutit annerulissangaluarnersut minnerulerlutilluunniit, aalajangeraluarutta cannabissip inerteqqutaajunnaarsinneqarnissaanik siunnerfeqarniarluta, soorlu maannakkorpiaq nunarsuarmi piffippasuaruani tamanna takussaasoq.

Aalajangerniarneq oqitsuinnaangilaq, aammalu aalajangerneqarsinnaangilaq, sukumiisumik misissoqqaartinnagu suut pitsaaqutaallutillu ajoqutaasinnaanersut, cannabis inerteqqutaajunnaarsinneqarpat. Uani Demokraatinut pingaartuuvoq, misissuinerimik tassani nunani allani piffinnilu, cannabis ilaannakumilluunniit inerteqqutaajunnaarfiusimasuni piviusut misilittakkallu imarissagai. Piffinni taakkunani qanormita ingerlasimappat?

Inerteqqutaajunnaartinneqarnerata kingorna cannabissimik atuineq qanoq ingerlasimava? Innuttaasut peqqissusaannut qanoq kinguneqarsimava inuiaqatiillu aningaasaqarneranut kinguneri suusimappat? Isumaqarpugut oqallinnissaq pisariaqartoq, piviusut aallaavigalugit ilimagisat pinnagit.

Qanorluunniit aalajangeraluarutta, pingaartorujussuuvoq, meeqqat inuusuttullu illersornissaasa ukkatarinissaat. Taamaattumik Demokraatit isumaqarput, maani nunatsinni inerteqqutaajunnaartinneqassappat qaffasissorujussuarmik ukiunik killeqartinneqartariaqartoq. Qassinik ukioqarnissaq takorloorparput? 25-vinik, isumaqarpugut aallaavigissallugu pitsaasuusoq, aatsaat taama ukioqaleraanni, inuup qarasaa inerilluarsimasarmat. Ukiunut killigisitassap naapertuussinnaasup eqqarsaatiginera nalunaarusiassami aamma ilanngunneqartariaqarpoq.

Pingaartuuvoq erseqqissassallugu, Demokraatit cannabissip inerteqqutaajunnaartinneqarnissa kissaatiginngilluinnarmassuk sukumiisumik isumaliuutigeqqaartinnagu misissoqqaartinnagulu. Kisiannili luit



Ataqatigiinniit siunnersuuteqartutut isumaqarpugut, piffissanngortoq, nalunaarusiamik sananissaq, sukumiisumik misissorlutigit pitsaaqutit ajoqutaasinnaasullu, aammalu nunarsuarmi piffinni allani, cannabis ilaannakortumik tamakkiisumillu inerteqqutaajunnaartinneqarsimasuni, misilittakkat ilanngullugit.

Maluginiarparput, Naalakkersuisut allannguutissatut siunnersuuteqarsimasut, siunnersuutaaqqaartup imarisaanut assigusumik.

Tungaviatigut siunnersuutit marluk taperserpagut ataatsimiititaliallu suliarisassaasa qanoq inerneqarnissaat aallaavissanngorlugu, siunnersuut sorleq nanginneqassanersoq, erseqqissassavarali, imaangitsoq, Demokraatit cannabissip inerteqqutaajunnaartinneqarnissaa tapersersoraat.

Siunnersuut ataatsimiititaliami attuumassutilimmi suliareqqinneqarnissaanut ingerlateqqipparput



Vi bemærker, at Naalakkersuisut har fremsat et ændringsforslag, der indholdsmæssigt ligger tæt op ad det oprindelige forslag.

Vi bakker i udgangspunktet op om begge forslag og vil lade det være op til det kommende udvalgsarbejde at afgøre, hvilket forslag der skal arbejdes videre med, men jeg skal understrege, at dette i sig selv ikke skal tolkes som en tilkendegivelse af, at Demokraatit nødvendigvis støtter en legalisering af cannabis.

Forslaget henvises til videre behandling i relevant udvalg.